



Icyegeranyo cy'amakuru y'imikino yaranze icyumweru

2024

Tariki 01-03 Werurwe



P.1 Tennis : Kamil Majchrzak yegukanye "ATP Challenger 50 Tour"

Ijambo ry'ibanke

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'l'mikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigisimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

Ibirimo

- P1 **Tennis** : Kamil Majchrzak yegukanye "ATP Challenger 50 Tour"
- P2 **Habaye inama y'Inteko Rusange Idasanze ya CNOSR**
- P3 **Cricket** : Ikiye y'u Rwanda yabaye iya gatatu mu irushanwa ryabereye muri Nigeria
- P3 **Football** : Habaye imikino y'umunsi wa 23 ya shampiyona
- P4 **Basketball** : Habaye imikino ya shampiyona
- P4 **Handball** : Perezida wa CAHB yagiriye uruzinduko mu Rwanda
- P5 **Swimming** : Habaye amahugurwa y'abatoza n'abayobozi
- P5 **Table Tennis** : Masengesho na Tumukunde ni bo bayoboye urutonde
- P6 **Sitball** : Musanze na Karongi zegukanye shampiyona ya 2023-2024
- P6 **Volleyball** : Kepler VC na APR VC zegukanye irushanwa ryo kwibuka Padiri Kayumba

Tennis : Kamil Majchrzak yegukanye "ATP Challenger 50 Tour"

Kuva tariki 25 Gashyantare kugeza O2 Werurwe 2024 mu Rwanda habereye irushanwa mpuzamahanga mu mukino wa Tennis mu bagabo "ATP Tour Rwanda Challenger 2024". Imikino yabereye ku bibuga biherereye muri IPRC Kigali.

Umukinnyi ukomoka muri Pologne, Kamil Majchrzak ni we wegukanye icyumweru cya mbere cy' iri rushanwa ryitabirwa n'abakinnyi bakomeye ku rwego rw'Isi aho yatsinze ku mukino wa nyuma Marco Trungelliti ukomoka muri Argentine amaseti 2-0 (6-4 na 6-4).

Mu cyiciro cy'abakina ari babiri "Double", irushanwa ryegukanwe na Max Houkes (Netherlands) wafatanyaga na Clement Tabur (France) batsinze Pruchya Isaro(Thailand) wafatanyaga na Christopher Rungkat (Indonesia) amaseti 2-0 (6-3 na 7-6).

Umukino wa nyuma warebwe na Perezida w'u Rwanda, Paul Kagame na Madame Jeannette Kagame. Hari kandi Umuyobozi w'ishyirahamwe ry'umukino wa Tennis muri Afurika "CAT", Jean Claude Talon, Minisitiri wa Siporo "MINISPORTS", Munyangaju Aurore Mimosa, Umuyobozi Mukuru wa ATP Challenger Tour, Eric Lamquet n'umunyabigwi mu mukino wa Tennis, Yannick Noah.

Imikino y'icyumweru cya kabiri cy'iri rushanwa yatangiye tariki 04 izasozwa 10 Werurwe 2024.



Habaye inama y'Inteko Rusange Idasanzwe ya CNOSR

Tariki 03 Werurwe 2024 muri Lemigo Hotel i Kigali habereye inama y'Inteko Rusange Idasanzwe ya Komite Olempike y'u Rwanda "CNOSR".

Iyi nama ikaba yari yateguve mu rwego rwo gushyira mu bikorwa imwe mu myanzuro y'inama y'Inteko Rusange Isanzwe ya CNOSR yabaye tariki 22 Mutarama 2023.

Inama y'Inteko Rusange Idasanzwe ya CNOSR yize ku ngingo 2 zirimo kwemeza Amategeko Shingiro (Statute) avuguruye ya Komite Olempike y'u Rwanda ndetse no kungurana ibitekerezo mu rwego rwo gushakira hamwe nk'abanyamuryango ubushobozzi bwakunganira inkunga isanzwe ihabwa CNOSR hagamijwe iterambere rya Siporo mu Rwanda.

Nyuma yo kungurana ibikerezo, Inteko Rusange yemeje Amategeko Shingiro avuguruye. Inteko Rusange kandi yemeje ko mu magambo y'ikinyarwanda, "Comité Nationale Olympique et Sportif du Rwanda (CNOSR)" yazahinduka ikitwa "Komite y'Imikino Olempike na Siporo mu Rwanda" aho kuba "Komite Olempike y'u Rwanda" nk'uko byari bisanzwe.

Hemejwe ko hazategurwa amahugurwa yihariye mu bijyanye no gushaka abaterankunga n'abafatanyabikorwa mu rwego guteza imbere Siporo y'u Rwanda.

Abanyamuryango bemeje ko hagiye gутegurwa umushingwa w'amarushanwa y'abakiri bato ku rwego rw'ighugu akaba yakorwa mu mashyirahamwe yose y'imikino.

Muri iyi nama hemejwe ko, inama y'Inteko Rusange Isanzwe izaba tariki 23 Werurwe 2024.



Cricket : Ikipe y'u Rwanda yabaye iya gatatu mu irushanwa ryabereye muri Nigeria

Tariki 25 Gashyantare kugeza O3 Werurwe 2024 i Lagos muri Nigeria habereye irushanwa mpuzamahanga mu mukino wa Cricket mu cyiciro cy'abagore "Nigeria Invitational Women's T20I Tournament 2024".

Iri rushanwa ryatangiye gukinwa muri 2019 ritegurwa n'ishyirahamwe ry'umukino wa Cricket muri Nigeria. Muri yuu mwaka wa 2024 ryitabiriwe n'amakipe 4 ari yo Nigeria, u Rwanda, Tanzania na Sierra Leone.

Aya makipe yakinnye hagati yayo umukino ubanza n'uwo kwishyura.

Nyuma yo guhura, ikipe ya Tanzania ni yo yegukanye igikombe aho yatsinze imikino yayo yose isoza ifite amanota 10. Ku mwanya wa kabiri haje Nigeria n'amanota 8 aho yatsinze imikino 4, ku mwanya wa 3 haza ikipe y'u Rwanda n'amanota 6 aho yatsinze imikino 3 naho ku mwanya wa 4 haza Sierra Leone n'amanota 0 ikaba yaratsinzwe imikino yose.

Iri rushanwa ryafashije amakipe ya Tanzania, Nigeria n'u Rwanda kwitegura imikino y'Afurika "African Games 2023" irimo kubera muri Ghana.



Football : Habaye imikino y'umunsi wa 23 ya shampiyona

Tariki 01, 02 na 03 Werurwe 2024 habaye imikino y'umunsi wa 23 wa shampiyona y'icyiciro cya mbere mu mupira w'amaguru mu bagabo. Biteganyijwe ko imikino y'umunsi wa 24 izaba tariki 08, 09 na 10 Werurwe 2024.

Uko imikino yagenze

Tariki 01-03-2024

- AS Kigali 0-1 Etoile de l'Est FC
- Kiyovu 2-1 Police FC

Tariki 02-03-2024

- Musanze FC 1-0 Muhamazi United
- Gorilla FC 1-1 Amagaju FC
- Bugesera FC 0-2 Mukura
- APR FC 1-0 Etincelles FC

Tariki 03-03-2024

- Sunrise FC 0-2 Rayon Sports
- Gasogi United 2-0 Marines FC

RWANDA PREMIER LEAGUE

MATCHDAY 23

POS	CLUB	PG	GD	PTS
1	APR	23	+25	55
2	RAYON SPORTS	23	+16	45
3	MUSANZE	23	+12	44
4	MUKURA	23	+7	39
5	POLICE	23	+4	33
6	AMAGAJU	23	+1	31
7	KIYOVU	23	-2	31
8	AS KIGALI	23	-2	31
9	GASOGI UNITED	23	-3	29
10	MUHAZI UNITED	23	-2	28
11	SUNRISE	23	-7	26
12	MARINE	23	-9	25
13	GORILLA	23	-8	23
14	BUGESERA	23	-1	22
15	ETINCELLES	23	-11	22
16	ETOILE DE L'EST	23	20	16



StarTimes



Gorilla Games



RBA Rwanda Broadcasting Agency

@rwanda.premier.league XrwandaLeague rwanda premier league



Basketball : Habaye imikino ya shampiyona

Tariki 01 kugeza 03 Werurwe 2024 habaye imikino ya shampiyona y'umukino wa Baskeball "Rwanda Basketball League 2024" mu cyiciro cya mbere mu bagabo n'abagore ndetse n'icyiciro cya kabiri mu bagabo.

Uko imikino yagenze

Icyiciro cya mbere

Mu bagabo

Tariki 01-03-2024

- UGB **85-76** Inspired Generation
- Orion BBC **63-106** REG BBC

Tariki 02-03-2024

- Kigali Titans BBC **60-81** Espoir BBC
- Kepler BBC **56-84** Patriots BBC

Mu bagore

Tariki 02-03-2024

- UR Kigali BBC **38 -121** APR BBC
- Kepler BBC **56 - 52** The Hoops

Tariki 03-03-2024

- GS Marie Reine **83-76** IPRC Huye BBC
- GS Gahini **52-59** REG BBC
- UR Huye BBC **47-70** EAUR BBC

Icyiciro cya kabiri

Mu bagabo

Tariki 02-03-2024

- Agahozo **87-86** IPRC Musanze
- UR Huye **42-69** AZOMCO
- Flame **75-53** IPRC Huye
- Kicukiro Buckets **66-91** Greater Virunga
- Black Thunders **57-84** ITS Kigali

Tariki 03-03-2024

- Rebero Academy **75-84** IPRC Musanze
- Intare **94-99** EAUR
- UOK **57-70** Elite
- The Hoops **50-68** IPRC Kigali



Handball : Perezida wa CAHB yagiriye uruzinduko mu Rwanda

Tariki 28 Gashyantare kugeza 02 Werurwe 2024, Perezida w'impuzamashyirahamwe y'umukino wa Handball muri Afurika "CAHB", Dr. Mansourou AREMOU yagiriye uruzinduko mu Rwanda aho yari aherekejwe n'impuguke yaturutse mu ishyirahamwe ry'uyu mukino ku lsi "IHF", Paul Landure.

Impamvu y'uru ruzinduko kwari ukureba uko u Rwanda rwiteguye kwakira imikino y'Afurika mu bagabo "Men's Handball Africa Cup of Nations" izaba muri 2026.

Uyu muyobozzi yasuye BK Arena izakira iri rushanwa ndetse na Petit Stade Amahoro izifashishwa mu myitozo cyangwa imikino imwe n'imwe.



Swimming : Habaye amahugurwa y'abatoza n'abayobozi

Tariki O2 Werurwe 2024 habaye amahugurwa y'abatoza n'abayobozi b'amakipe 10 abarizwa mu ishyirahamwe ry'umukino wo Koga mu Rwanda "RSF" ku bijyanye no kurwanya ikoreshwa ry'imiti yongerera imbaraga abakinnyi ndetse no kwimakaza ihame ry'uburinganire n'ubwuzuzanye muri Siporo.

Aya mahugurwa akaba yari yateguve na RSF ku bufatanye n'impuzamashyirahamwe y'umukino wo Koga ku lsi.

Abatanze aya mahugurwa ni Dr. Kwihangana Prosper na Dr. Zimirinda Alain.

Nyuma y'aya mahugurwa hatowe Komisiyo ijyanye no gushimangira ihame ry'uburinganire n'ubwuzuzanye muri Siporo igizwe na Mutesi Jamira, Mugabo Alphonse na Dusabimana Salama.

Abitabiriye aya mahugurwa bari bahagarariye amakipe atandukanye arimo Cercle Sportif de Kigali, Les Dauphins, Vision Jeunesse Nouvelle, Gisenyi Beach Boys, Cercle Sportif de Karongi, Mako Sharks, Aquawave, Rwesero Swimming Club, Rwamanaga Canoe & Aquatic Sports na Rubavu Sporting Club.



Table Tennis : Masengesho na Tumukunde ni bo bayoboye urutonde

Tariki O2 kugeza O3 Werurwe 2024 habaye irushanwa ryo kureba uko abakinnyi ba Table Tennis bahagaze mu Rwanda "National Ranking Games 2024" aho Masengesho Patrick mu bagabo na Tumukunde Hervine mu bagore ari bo babaye aba mbere.

Iri rushanwa ryabereye muri STECOL Gymnasiumi Masoro ryari ryategewe n'ishyirahamwe ry'umukino wa Table Tennis mu Rwanda "RTTF" mu rwego rwo kureba uko aba bakinnyi bahagaze. Abakinnyi bitabiriye bari mu byiciro bitandukanye birimo abakuru n'abakiri bato.

Mu bagabo, Masengesho Patrick ukinira Spinners Table Tennis Club yasoreje ku mwanya wa mbere akurikirwa na Nzosaba Didier naho Ishimwe François-Regis na Didier Hahirwabasenga baza ku mwanya wa gatatu.

Mu bagore, Tumukunde Hervine wa Rilima Table Tennis Club yasoreje ku mwanya wa mbere akurikirwa na Twizerane Regine, Hirwa Kelia na Umutoniwase Consolé baza ku mwanya wa gatatu.

Mu byiciro by'abato, Uwase Diane yabaye uwa mbere mu batarengeje imyaka 17, Ntakirutimana Solange aba uwa mbere mu batarengeje imyaka 20. Mu bahungu batarengeje imyaka 17 Ebonga Shukuru yabaye uwa mbere naho mu batarengeje imyaka 20, Gisubizo Prince aba ari we wegukana umwanya wa mbere.

Iri rushanwa ni ryo ryabimburiye ibindi bikorwa byose by'amarushanwa bizaba muri uyu mwaka wa 2024. Imikino itegerejwe mu minsi iri imbere irimo "Africa Cup 2024" na "Olympic Games Qualifiers 2024" izabera i Kigali muri Gicurasi 2024.



Sitball : Musanze na Karongi zegukanye shampiyona ya 2023-2024

Tariki O2 Werurwe 2024, kuri Sitade ya Bugesera habereye imikino ya nyuma ya shampiyona ya Sitball mu bagabo n'abagore "Sitball Championship 2023-2024".

Ikiye ya Musanze mu bagore n'iya Karongi mu bagabo ni zo zegukanye shampiyona nyuma yo kwitwara neza mu mikino ya nyuma.

Iyi shampiyona yatangiye mu Kwakira 2023, ikinirwa mu turere dutandukanye.

Mu bagore, Musanze yabaye iya mbere nyuma yo gutsinda Bugesera ibitego 31-21, Kayonza 26-21, Nyamasheke 32-18 na Gicumbi 28-14.

Mu bagabo, Karongi yatsinze Rulindo ibitego 25-19, itsinda Gisagara 28-26 na Rubavu ibitego ibitego 27-23 mu gihe yatsinzwe na Musanze ibitego 29-26.

Uko amakipe yakurikiranye

Mu bagore

1. Musanze
2. Kayonza
3. Nyamasheke
4. Bugesera
5. Gicumbi

Mu bagabo

1. Karongi
2. Musanze
3. Rubavu
4. Gisagara
5. Rulindo



Volleyball : Kepler VC na APR VC zegukanye irushanwa ryo kwibuka Padiri Kayumba

Tariki O2 na O3 Werurwe 2024 i Huye mu Ntara y'Amajyepfo habereye irushanwa ku nshuro ya 14 ryo kwibuka Padiri Kayumba Emmanuel wayoboye GSOP kuva 1995 kugeza 2009.

Ikiye ya Kepler VC mu bagabo ni yo yegukanye igikombe itsinze ku mukino wa nyuma Police VC amaseti 3-0 (27-25, 25-21 na 25-20). Ikiye ya Gisagara VC yegukanye umwanya wa 3 itsinze KVC amaseti 3-0.

Mu bagore, ikiye ya APR VC yegukanye igikombe itsinze ku mukino wa nyuma ikiye ya Police VC amaseti 3-0 (25-17, 25-18 na 25-21). Ikiye ya RRA VC yegukanye umwanya wa 3 itsinze EAUR VC amaseti 3-0.

Mu bakiri bato, Gisagara Academy yegukanye igikombe itsinze ku mukino wa nyuma Nyanza TSS amaseti 3-1 (16-25, 25-23, 25-21 na 25-18).

Habaye kandi n'irushanwa rya Volleyball yo lu mucanga "Beach Volleyball", irushanwa ry'amagare ndetse no Koga "Swimming".





Website: www.olympicrwanda.org
www.olympicrwanda.org/commonwealth
Email: cnosr@olympicrwanda.org | @RwandaOlympic

Address: Remera-Hallmark Center Building KG 17 Ave